



大金集禮第四卷

追加謚號下

大定三年增上

睿宗尊謚

大定十九年奉上

孝成皇帝謚號

雜錄

天德二年興聖宮上謚儀與統五

同兼封遼王事節故併八雜錄

大定三年增上 睿宗尊謚

大定元年十一月十五日以追尊 皇考妣告於

太祖廟十六日追冊 皇考曰 簡肅皇帝廟
號 睿宗 皇妣蒲察氏 欽慈皇后 皇妣李
氏 貞懿皇后

大定二年八月一日有司 奏請 祖宗謚號或

十六字或十四字或十二字即今 睿宗皇帝更

合增上 尊謚于升祔前奉 冊寶 勅旨准奏

增上十八日擬奏 立德顯仁啟聖廣運文武簡

肅一十二字 勅旨恭依八月二十四日差禮部

尚書兼翰林承 旨王競等四員造 冊寶并訟

冊寶法物蓋匣等九月一日 命王競撰冊文

并書篆冊寶九月三日恭奉 勅旨以歲未豐稔

物貴人難未即行禮三年八月一日 奏定十月

一日奉上 冊寶七日升祔五日命戶部侍郎曹

望之兵部郎中韓鐸提點編排儀仗二十五日命

右平章宗憲相太尉行礼左平章元宜左丞翟永

固攝侍中奉寶讀寶右丞良弼參政蘇保衡攝中

書令奉冊讀冊判宗京同判謀演攝門下侍郎引

寶勸農使按打海御史大夫李石攝中書侍郎引

冊宣徽使大常卿各一舉宝奉冊宮各二以四品
以上攝充并差監察二太常博士七翰林使二太
官令丞一昇宝盥宮十二昇冊匣官十八主節一

自宮中常服乘輿侍衛如儀赴大安殿後更衣
幄次御史臺催班通事舍人引太尉及群臣就位

主節者皆持節立太尉侍申跪奏中嚴又跪奏外
辨 皇帝服通天冠絳紗袍出太常卿跪 奏稱

太常卿臣某言請 皇帝行奉上 冊宝之礼

奏訖俛伏興宣徽使分左右導前 皇帝步詣

冊宝幄次將至幄次登歌樂作至幄次前北向宣

徽使贊請 皇帝再拜典儀替在佐官再拜訖

奏請 皇帝搢圭 設承人 三上香訖執圭 奏請

皇帝再拜典禮贊在位官再拜訖各分班東西序
立請皇詣稍東褥位樂止中書令中書侍郎奉
引冊侍中門下侍郎奉引寶行登歌樂作宣
徽使贊導皇帝隨冊寶降自西階登歌樂止
官懸樂作至大安殿下當中褥位中書令侍中奉
冊寶於皇帝褥位之西樂止宣徽使奏請

皇帝再拜典禮贊在位官再拜訖中書令搢笏奉
冊匣宮懸樂作至皇帝褥位前俛伏跪
其冊床先昇至太尉受冊褥之東奉置訖執笏

俛伏與退稍西立東向太常博士引太尉至褥位
北向立宣徽使奏請皇帝搢圭跪捧冊授
太尉太尉搢笏少東立宣徽使奏請執圭俛
伏興昇冊官捧冊匣中書侍郎奉冊匣置於
冊床樂立侍中搢笏奉寶盃宮懸樂作至皇
帝褥位前俛伏跪
其寶床先昇至太尉受寶褥位之東奉置訖執
笏俛伏與退稍西立東向太常博士引太尉至褥
位北向立宣徽使奏請皇帝搢圭跪捧寶

盃授太尉太尉搢笏跪受訖執笏少東立宣徽使
奏請執圭俛伏興昇宝官 宝盃門下侍郎奉
宝盃置於 宝床樂止宣徽使 奏請 皇帝

再拜典儀贊在位官再拜 皇帝南向立官懸樂

作太常博士引太尉奉 册宝出 主節者持節導前 册床

在前 宝床次之樂止中書門下侍郎各導於

册宝之前太慰居其後至 大安門外太尉以次

跪奉 册宝于玉輅中 書侍郎于輅中夾侍所

司迎衛如式太尉奉 册宝訖步出 通天門外

草車用本品鹵簿導從如來像鼓吹不振作俟 册

宝出 大安門大常卿跪 奏稱大常卿臣某言

礼畢 奏訖俛伏興前導 皇帝升自東階登歌

樂作還 大安殿後幄次樂止侍中跪 奏解嚴

乘輿還内侍衛如來儀所司承 旨放仗百官赴

行慶宮行礼次朝百官稱賀如常儀前一日設册

宝幄次於 聖武殿門外西向其日質明太常寺

官率所屬于 聖武殿設 神御床案宣徽院排

備茶酒菓時 茶食香花等並如 太祖皇帝忌

辰排備之數火樂署設登歌之樂于殿上前楹
 間稍南北向迎衛 冊宝主 衍慶官門外中書
 門下侍郎各奉 冊宝降 輅各置於床太尉至
 門外降車率中書令以下導從赴 聖武殿門外
 幄次奉安如式其儀仗兵士並退次引文武百官
 各服其服以次就位大樂令率工人就位禮直官
 亦先就位應執事者並先入 殿庭北向立禮直
 官替再拜訖升 殿次引太尉就東階下禱
 位西向立禮直官替拜在位官俱再拜禮直

官曰有司謹具請行事禮直官替拜在位官俱再
 拜訖引太尉詣壘洗盥手 盥洗在殿 升 殿詣
 神座前搢笏跪三上香樂作奠茶奠酒訖執笏俛
 伏興樂止太尉再拜訖還位次引大尉出率
 中書門下侍郎等奉 冊宝床入自 殿門中書
 令侍中等並導從登歌樂作 冊宝宝床至
 殿庭列於西階之下樂止 冊宝床承以席褥太
 尉以下各就面北褥位立定禮直官替拜在位官
 俱再拜訖太尉率中書令侍郎奉 冊匣升 殿

登歌樂作至殿上 冊寶置於食案之前仍設褥
位樂止次引太尉詣 神位前俛伏跪稱攝太尉
臣某言謹上加 尊謚冊寶 奏訖俛伏興稱西
立次引中書令立於 冊匣南舉冊官舉冊中書
令俛伏跪讀冊訖俛伏興中書令奉 冊匣降自
西階置於床登歌樂作置訖樂止次引侍中門下
侍郎奉 寶盃升 殿樂作置於食案之前仍設
褥位樂止奉寶官奉寶盃侍中俛伏跪讀 寶訖
俛伏興侍中奉 寶盃降自西階置於床登歌

樂作置訖樂止太尉詣 殿門外褥位再拜訖太
尉而下俱降階以次就位禮直官贊拜在位官皆
再拜訖以次出寺官置官率拱衛直昇冊寶床置
於 冊寶殿各退左平章元且等 奏伏奉 勅
旨 睿宗皇帝尚多遺美令尚書省集百官五
品已上與禮官共議增上謚號者臣等間道者
以開通濟物為用而本於無為然道曰希夷以
表域中之大天者以徧覆邑舍為功而歸于不宰
然天名蒼昊以彰群物之祖且帝王之興也體道

之開通不露其所以開通之妙法天之徧覆不顯其所以徧覆之神魏、浩、周難於擬議推崇矣然自古伏羲神農舜禹湯武皆當世尊其功德而稱之載在典籍固不訛矣由是後世繼體之君能以孝治天下者爰念祖考規摹弘遠則必有謚冊以光耀萬世其來尚矣若增而廣之亦非溢美誠孝心歆報之罔極也可不務乎 聖明仁孝皇帝陛下永言來孝祇紹 貽謀思所以鋪張對天之闕休揚厲無前之 偉績者雖上

尊謚未為光大乃詔百僚使之詳議臣等奉 旨 敬踏惟無以仰副 聖意敢以所聞稱頌萬一恭 惟 睿宗皇帝聰明仁信恭肅端莊有 聖德以 昭 先功有孫謀而燕翼子 神威不測 廟畧 無方而自恭行天罰於鑠王帥則能討叛柔服荅 四方徯蘇之望投戈講藝息馬論道則能興學 校而重賢十脩禮樂而定制度為萬世太平之 基其王功帝德施設大畧如此 臣等謹集百官 共議稽諸典禮參以謚法竊以 睿哲欽明光

宅天下謂之三德 溫慈和惠茂育羣生謂之顯
 仁 長發其祥作邦作對謂之啓聖 燕及皇天
 曆數有歸謂之廣運 脩治班制經緯天地謂之
 文 安民和衆克定禍亂謂之武 一德不懈謂
 之簡 執心決斷謂之肅 舉此天網之髣髴
 擬諸 至德之形容雖皆出於強名庶永光於
 其美伏清增上 尊謚曰 睿宗立德顯仁啓
 聖廣運文武簡肅皇帝直學士劉仲淵撰十月一日奉止
 尊謚冊宝 行礼冊曰臣 門自昔垂訓後世作

範故父有天下傳之于子子有天下尊歸于父是
 以周武克商始制追王之典炎劉漢興方宗太上
 之名百王相因事首稽古惟我 聖考佐佑 祖
 宗取亂攻昧闢王開基 天戈所麾畏威西効順
 仁澤所被懷德而歸心鄰國與後后之誼簞食致
 迎師之奉還邇百姓寧居安業避焚溺於水火
 足衣食於耕桑皞、熙、蓋數十年於茲矣臣
 猥以眇躬起 膺推戴仰念 祖宗之丕緒俯
 狗黎庶之誠心君臨萬方懔若御朽敬慎伊始

罔敢怠違載惟與天同功流慶有自行 宗社無
 疆之福發本支百世之祥寶我 聖考允文允武
 光寬克仁上合天心下從民欲 天祿淵源之積
 匪一日也爰訪通臣博採羣議咸謂云云謚同舉此
 大綱形容具美僉言既允祇薦 鴻名顯揚之
 微心潛 天既臣不勝大願洵擇吉日遣攝太
 尉特進平章政事兼太子太師定國公臣完顏
 宗憲奉 玉冊玉寶奉 尊謚曰 立德顯仁
 啓聖廣運文武簡肅皇帝廟號 睿宗恭惟

模烈有光音容如在 俯鑒守成之志尚貽 垂
 裕之休 典冊一新昭示萬世

大定十九年奉上 孝成皇帝謚號

大定元年十一月十六日詔曰朕惟禮莫火於明
 分政必先于正名宜推是 之心用定尊 之號
 爰中顯命 誕告敷天前君乃 太祖之長孫
 受 太宗之遺命嗣膺神器十有五年垂拱仰
 成委任勲戚廢齊國以省徭賦柔宋人而息兵
 弋世格恭和俗躋位仁壽混車書于南北一尉

候於東西晚雖注刑幾于恣意寬施弟后哉及良
工虐不民事猶可諫過之至此古或有焉右丞相
岐國王亮不務弼諧及行篡弒妄加黜廢抑損
禍遠近傷嗟神人憤怒天方悔禍朕乃繼興受天
下之樂推居域中之有大將撥亂而反正務在
革非期事亡以如存聿思盡禮且上 溢號曰
閔宗武靈皇帝既復崇于位號庶少慰於 神
靈非眇躬之私言乃天下之公議 鴻名已正
允孚中外之心大分斯明遂絕覬覦之望庶幾

率土永底丕平咨示多方體予至意二年四月一日

奏唯立別

廟九月二十三日

奏定不入廟不合

稱宗十八年三月十七日恭奉

勅旨武靈皇帝升

祔 太廟五月七日

奏依唐中宗祔廟典故改易

美溢九月十三日擬

奏唐二十帝溢號或四字

五字或七字九字惟宣宗十八字、數各不同伏

以 本朝 祖宗尊溢或十八字或十四字或十

二字或四字令擬增上 閔字尊溢共八字曰弘

基續武莊靖孝成皇帝取收齊興圖四海會同是

弘基也 懷柔臣服五兵不用是績武也 謚法端
 恪臨民曰莊 恭而鮮言曰靖 叶時肇享曰
 孝 安民立政曰成之意仍加謚悼皇后曰悼
 平皇后取執事有制曰平之意 勅旨恭依十二
 月 奏准來年四月十日奉上 冊寶二十日
 帝身升祔十八年九月十六日差吏部郎中楊鑄
 等五員監造 冊寶并沁 冊寶法物盪匣等與
 天德貞元 尊號 冊寶制度同十一月十九日
 命禮部尚書張景仁撰謚 冊文直學士王彥潛

書 冊篆 寶十九年三月十二日差兵部侍郎
 胡薛同知大興尹王佐提點編排儀仗四月二
 日差吏部尚書天錫于六日 奏告太廟戶部
 尚書張仲愈告 本廟十日 命 皇子樞密
 使趙王揖太尉左相守道右相石琚攝侍中奉寶讀
 寶平章習顯平章安禮攝中書令奉冊讀冊左右
 丞攝門下侍郎引寶參政樞副揖中書侍郎引冊
 太常卿宣徽使各一舉冊舉寶官各二以四品已
 上攝充并差太常博士七典儀贊者各一主節一昇

寶盃八昇冊匣十八承奉人等十八年十二月一日
奏引唐會要載宣宗大中三年追尊順宗憲宗
謚號至日御宣政殿降階授玉冊於太尉持節奉
冊赴太廟又按五代周太祖廣順元年御崇元
殿奉冊四廟服袞冕降階授冊大定三年追尊
睿宗皇帝禮儀 大安殿前立黃麾仗一千人
應天門外行仗二千人 皇帝服通天冠絳紗
袍隨冊寶降自西階揖圭跪捧冊寶授太
尉今擬大安殿行礼及依唐周典故降階捧

冊寶授太尉所有 冠冕儀仗擬依已行礼例 勅
旨儀仗人數約量裁減前三日習儀于大安殿庭
前一日百官各于其第請齋有司於大安殿中

周設御座南向并設東西房於左右又於殿後
設更衣幄次又于西副階上設藉冊寶褥位

大定三年儀于殿中間設冊寶幄次其日有

司設迎衛冊寶黃麾仗十人及載冊寶玉輅

并設太尉本品鹵簿係儀仗於應天門外又立

仗百人又于庭中設太尉褥位于百官班前近東

稍北又設授 冊宝褥位南向設太尉授 冊宝褥
于 皇帝褥位之南北向設籍 冊宝褥位五
其二在授 冊宝褥位之西其一在前其二
在太尉授 冊宝褥位之東大樂署陳登歌之
樂于 殿上設宮懸庭中迎 冊宝儀內人從二
品已上四人三品已下二人餘每火定三年同
奉上 冊宝儀四月五日宣徽院 奏過據合
用玉輅只用象輅 親授儀每火定三年不
同故復備錄其日未明三刻 諸衛各勒所

部列伏如儀百官集于 殿門行事官并陪位官
並法服 皇帝自宮中常服乘与赴 大安殿
從更衣幄次通事舍人引太尉及百官立班定
生節者持節立太尉後宣徽使跪 奏中嚴
又跪 奏外辦 皇帝服通天冠絳紗袍以
出曲直華盖侍衛警蹕如常儀太常卿跪 奏稱
太常卿臣某言請 皇帝行奉上冊宝之礼 奏
訖俛伏具凡跪奏与宣徽使分左右前導 皇帝
出自東房登歌樂作即 御座南向樂止典儀贊

應在位官皆再拜班首出班 起居訖再拜各分班
東西序立中書令中書侍郎奉引 冊侍中門下
侍郎奉引 宝前行登歌樂作宣徽使 奏請
皇帝降座隨 冊宝降自西階登歌樂正宮懸樂作
至 殿下當中褥位立中書令侍中奉 冊宝於
皇帝褥位之西樂止中書令措笏奉 冊匣宮懸樂
作其冊床走舁至太尉受冊褥位之東至 皇帝褥
位前俛伏跪奉置訖執笏俛伏興退稍西立東向太
常博士引太尉至褥位北向立宣徽使 奏請

皇帝措圭 設承捧人 冊授太尉措笏跪受訖受訖
執笏少東立宣徽使 奏請執圭舁冊官捧 冊
匣中書侍郎奉 冊匣置于床樂止侍中措笏奉

宝盞宮懸樂作其宝床先舁至太尉授宝褥位之
東至 皇帝褥位前俛伏跪奉置訖執笏俛伏興退
稍西立東向大常博士又引太尉至褥位北向立
宣徽使 奏請 皇帝措圭捧 宝盞授太尉太
尉措笏跪受訖執笏少東立宣徽使 奏請 執
圭舁宝官捧 宝盞門下侍郎奉 宝盞於床樂

止 皇帝奉 冊宝訖南向立宮懸樂作太常博士
 引太尉奉 冊出主節者持節前導 冊床在前
 宝床次之出門樂止中書門下侍郎各導於前太
 尉居其後至 殿門外太尉以次跪奉冊宝
 升於輅中書侍郎輅中吏侍所司迎衛如式太尉
 步出 應天門外草車本品鹵簿導從如儀鼓吹
 不作太常卿跪 奏稱太常卿臣某言禮畢導
 皇帝升自東階登歌樂作 皇帝入自西房還
 幄次樂止宣徽使 奏解嚴乘与还内侍衛如

乘儀百官赴 廟行礼前一日有司設冊宝幄次
 于本 廟門外稍西東向

天定三年儀 聖武殿門外西向香案之前天定
儀食案 之前 餘同十八年十一月十九日尚書省 奏

近奉 聖旨云云 臣等伏以唐虞而下方策所書
 其善政流風茂德大業靡不揄揚於可久豈或湮
 墜而失傳庶幾見萬世無疆之休固亦取百代常
 行之法恭惟 尊號皇帝陛下立愛自親所以風
 四海揚功遵制所以定羣心因正名順事之宜協

大公至正之誼臣等竊以武靈皇帝作其即位幾十五年時和歲豐遠安邇肅先時以河南之地界諸齊人使之牧養而不能仰體朝廷分命之意乃煩政重賦民不克堪肆命黜廢市不易塵兵不血刃而又餘宋假息江淮王師薄伐無闕歲以其顯哀請命乃加封冊歲時朝貢懋明臣禮以致獻歌儒館偃伯靈臺至于軍國大政親賢並用垂拱仰成威儀可仰尊嚴若神倣立七廟尊事祖宗應候順德致治之隆班可紀臣等謹集百

官共議稽諸典禮參以謚法夫受祖宗付託之重伊濯厥公如日之升如月之恒不日弘基乎絀齊

臣宋兵不復用四海混同不日續武于臨民端恪莊也恭而鮮言靖也協時肇裡孝也政立民安成也茲因節惠用極推尊伏請增上尊謚曰弘

基續武莊靖孝成皇帝

勅旨恭依吏部侍郎鄭子明撰十

九年四月十日奉上冊室行礼冊曰惟年月日

嗣皇帝臣名御仰惟大祖武元皇帝命於帝庭神

武撥亂用造我區夏顧命之際聖子咸在舍弗以

立舉天下大器授之 太宗文烈皇帝暨天會未
命亦弗敢弭忘曰茲 先皇令德光昭則能賢乃
簡畀 世嫡神孫丕承基緒十有五年德厚功著
厥初對建齊人大河之南碑額綏靖乃罔念付託
以率割為政彼民大弗克堪且勸戎我守無有寧
歲尚安用而國肆 命廢黜于是西踰熙洮東極
海泗南則唐鄧咸歸我輿圖事不式適休烈增光
于先朝茲不曰 弘基乎廢宋之餘假息江表我
伐再張莫不震疊至籲哀請命稱臣底屬乃班師

振旅柔服以示懷錫之封冊歲底厥貢七德具備
茲不曰纘武乎垂拱仰成乎懿親宗公穆々皇
皇尊嚴若神莊矣黜華尚質玄默不言如天之
行四明靖矣若稽古假有廟尊 祖敬 宗寅念
祀事孝矣綏萬邦婁豐年惟民其康又成矣豈圖
道閔永懷盡傷以迄於今惟冲人繩其祖武蒸々
業々思所以駿惠顧立愛立敬有尊有先莫重于
宗廟之享竊惟公則生明名正則言順自非推本
武元 文烈以大義至公相傳授之意用鋪張揚

屬天春皇統之闕休偉績則何以對越 二聖在天之靈雪 神孫無窮之遺恨哉不勝大願謹遣攝太尉臣某奉 冊上 尊謚曰 弘基續武莊靖孝成皇帝 廟號 閔宗伏惟 神靈格思膺是 典冊頓首頓首謹言 上冊空升祔禮畢四月 日 制曰立愛立敬必自於家邦有尊有先莫嚴於 宗廟仰惟 武元之克讓珍圖傳授於 太宗迨及 文烈之能賢神器復歸於皇統混一 彼四海惟十有五年既示德以威懷乃仰成而垂

拱行不言之教以御下永維則之思而奉 先政 允若茲世克用又竟晚年無及民之過失在大臣 當戮力以扶持而海陵主包藏禍心自行擡取廢 黜徽號輒加惡名茲邁閔於不虞實無窮之遺恨 朕丕承 聖緒敢忘推本於 祖宗上念 神孫 正可序升為昭穆遷自別寢路于 太宮顯謚鴻 名稽禮文而節惠至公大義式下土以成乎今已 本上 尊謚曰 弘基續武莊靖孝成皇帝廟號 閔宗升祔禘享禮畢於戲名言之行可以興禮

樂孝悌之至可以通神明洪惟茲事之成寔曰無疆之美咨爾率土體予至懷

大定二十六年奉 勅旨 閔宗廟號仰商量定了奏知太常寺檢討到三代制禮祖宗不遷之廟蓋謂有功有德者東漢稍變古禮至後魏及唐以來並以此為廟號未有踐祚而不祖宗先王者近代猶用此禮其意本以推美為光故並用謚法中美字如後魏太祖世祖顯祖肅宗敬宗唐中宗憲宗敬宗昭宗梁太祖後唐莊宗皆不善終其廟號

亦用美字別無用哀閔等字者謹按謚法在國遭難曰閔使民悲傷曰閔雖非所指所行過惡然終非謚號之美者伏以 閔宗皇帝在位十五年仕

賢仰成法度脩奉黜齊服宗民物安和晚年雖稍有過差害不及民近已斷自 宸哀遷祔 太廟仍加以美謚而 廟號仍舊未改今既恭奉 勅旨商量議竊以宗者尊也謂有德可尊既稱為宗而閔字似未相應擬別定 廟號以仰副 聖明之善意兼自古無加謚改題之孔至唐高宗以後

大金集禮卷四
三
屢追加祖宗之謚然亦不該冊文但有改題神主之例近世改謚加謚並改造冊室俟奏告畢納於廟或因改葬則置於陵京有不改題神主但告廟者參詳謚冊謚室古禮當奉置于陵唐之加謚祖宗以山陵既固新以不改冊文止告廟改題神主近世改謚加謚皆改造冊室亦以不可啓陵遂置冊室殿今來擬改廟號若依唐典故止告廟改題不行造冊室緣更改廟號與唐之加謚不同兼即今閱宗冊室見在冊室殿若更改別無

室礙兼以閱字未宜別行改定亦難却不改

神主將來如蒙奏定合行更改即當別刻玉室

更換冊內閱字及就舊改題差官奏告太

廟并告閱宗本室遷奉神主入幄次改題訖

奉安于室禮畢以改造冊室奉置冊室殿今擬到

下項字 衰 關土有德曰衰 執心克剛曰衰

威 勇夷率服曰威 猛以強果曰威 敬 齊莊

中正曰敬 衆方克就曰敬 定安民法故曰定

桓 辟土服遠曰桓 烈 安民有功曰烈 熙

允釐庶績曰熙二十七年二月七日開具熙襄敬
三字 奏奉 勅旨恭用熙字三月八日太常寺
檢討到通典唐代宗祔廟儀題神主官就禱題云
代宗睿宗文孝武皇帝神主又檢討得近代題神
主儀亦同又唐書德宗紀該載顏直卿奏列聖謚
號字繁請以初謚為定兵部侍郎袁倓奏云陵
廟玉冊已刻不可輕改而不知玉冊皆刻初謚而已蓋當時雖累加祖
宗謚號不曾更造玉冊前來為是 太廟 神主合題寫
號謚此上擬定若奏改訖 閔宗即合於 神主

改題并別刻玉室換玉簡一枚及有 奏告等禮
數合再契勘得 閔宗神主當元止是題訖 尊
謚不曾題寫 閔宗二字 室文內亦無二字看
詳若為依上項典故合題 廟號便擬改添新字
緣 神主奉安後依典禮不當輕有改作兼照勘
天德二年奉安題 神主文卷亦止云某 皇帝
神主見得並不曾題寫 祖宗字亦合一體不須
改題兼室文無 閔宗字更不須改造外冊簡一
枚雖有 閔字緣照得唐禮增加 尊謚亦不改

造玉冊兼今來既不改題造室具簡一枚亦無須
 合易換之禮擬止差官 奏告 太廟并本室仍
 以新改 廟號遍下隨處通知四月一日 奏稟
 元奉上 閔宗尊謚 玉冊上雖有 閔宗緣照
 得唐禮增加祖宗尊謚不曾改造玉冊擬止差官
 奏告 太廟 閔宗本室仍以改新 廟號遍下
 隨處照會施行 從之 宣付工部郭邦傑四月

十一日 奏告

雜錄

大定二十年三月有司 奏請 景宣皇帝於
 閔宗時追謚至隆二年四月海陵庶人批劄贈太
 師追封遼王大定二年十二月 勅旨以舊謚

景宣皇帝為號今來 閔宗雖已升祔 太廟擬
 依舊以 景宣皇帝為號 從之 天德元年十
 二月 詔尚書省集百官議上又謚百官請謚曰
 憲古弘道文昭武烈帝孝睿明 廟號德宗二年
 正月 每聖宮行礼以太師勗充奉冊室大禮使
 其奉室讀室侍中引室門下侍郎奉冊讀冊中書

令引冊中書侍郎以宰執拜奉冊官以吏部
禮兵刑部尚書充仍差官告 廟如皇統五年親
奉冊室之儀大定二年四月九日有司擬用元謚
最下一字稱明皇帝奉 勅旨改為明肅皇帝十
九年四月 閔宗既升祔二十一年正月 詔賤
海陵庶人二十二年四月 皇太子上書以謂海
陵庶人昔相 閔宗無匡救之益迺伺其間隙肆
行大逆盜據神器十有二年罪惡貫盈天所勦絕
其文明肅豈可使之猶竊 帝尊之明仰惟 祖

宗之神靈在天而其子海陵親弑

太祖之世嫡

閔宗且屠滅

大宗之孫靡有了遺若明肅之有知

未必以其偽號為榮海陵既正大逆之罪義當緣坐

况于封爵今猶存其

帝號者不過以明肅勳戚

之故且其已死不與于海陵之亂故特忍而存之

莫若重宗廟尊朝廷以正上下名分削去明肅帝

號止從舊封庶乎 宗廟朝廷之禮一舉而兩得

勅旨付尚書省尋與禮官集議十一日擬奏海陵

既廢為庶人其父母尚仍帝后之號委是名分僭

差今擬改封皇伯太師遼王據 衍慶宮舊容擬
改函服色遷出順陵改名為墓 從之十五日

詔天下 大定二年四月有司以岐國爵號不是

追封名稱擬降封海陵郡王謚曰煬逆天虐并具

隋煬帝齊鬱林王東昏侯宋蒼梧王魏郡陵縣公

高貴卿公故事 奏聞 從之二十年十二月九

日擬奏 閔宗已升祔緣海陵庶人係弑逆之人

大定二年降封蓋當時有司止是北祔前代帝王

失道被廢降封故事初不曾正弑逆之罪又葬所

與 閔宗同一兆域并海陵庶人所生母尚有慈

獻皇后名稱俱為未當檢討到晉惠帝為司馬倫所

廢倫遂篡位尋為齊王岡等所討惠帝及正誅倫

仍廢為庶人宋文帝為子劭所弑孝武討劭敗伏

誅暴尸於曾又宋武帝張夫人生少帝即位尊為

皇太后少帝失道廢為營 王後拜為營陽國太

妃倫以嘗篡位廢為庶人海陵庶人弑逆尤不當

有王爵之封劭以弑逆暴尸於市其海陵庶人不

當與閔宗同一兆域亦不當在諸王塋域之內外

宋少帝初非篡弑以失道被廢其母太后之稱猶
 加追奪况海陵庶人其所生母慈獻皇后之稱合
 行追改 勅旨仰再檢討其葬所改遷於山陵北
 域之外復 奏定以海陵庶人為名二十一年正
 月九日 詔諭天下 大定四年二月六日批降
 礼宮引宋事實真宗謚號有文明武定字 詔改
 武定軍額并文明殿學士為紫宸殿學士今來官
 民名稱及州軍縣鎮官司名額犯 睿宗皇帝尊
 謚內連用兩字者並迴避并八月五日批降 始

祖以下 帝后尊謚內相連兩字亦合迴避九年
 八月批降武元正連姓及下一字犯 太祖尊謚
 二字亦迴避

大金集禮第四卷

